

## Woo sull ekj dan nich sinjen

(How Can I Keep From Singing?)

1. Mien Läden jeit aus een Jesank,  
Trotz däm de Welt uk jaumat,  
Hieet doch mien Ua een seeten klank;  
Sent Leeda von de Heimat.  
Derch aul daut lude Welt Jebrell,  
De seelje Leeda kjlinjen.  
Mien Hoat es met een Leet jefelt,  
Woo sull ekj dan nich sinjen?
2. Wan ekj velia Jemietlichkjeit,  
Mien Heilant läft noch emma.  
Woa ekj bedakjt met Dunkelheit,  
Sikj Jesus om mie kjemmat.  
Nu blift mien Hoat en deepen Ru;  
Un trubblen maunche Dinja,  
Dee emma holp, dee halpt uk nu;  
Woo sull ekj dan nich sinjen?
3. Drei ekj mien Uag nom Himmel han,  
Vejeit de Welt voll Sorjen.  
Sinj noch een Leet stell ver mie han,  
Boolt kjemt een nia Morjen.  
Ekj sie jetroost, ekj sie tofräd.  
Wua kaun ekj bätret finjen?  
Nu fält mie nuscht, ekj sie sien Kjint!  
Woo sull ekj dan nich sinjen?

Wieed un Musikj: Robert Lowry, 1869  
Plautdietsch: John C. Klassen, un de Ekkerts  
Em auljemeenen Jebruck